

Clypevs Theologiæ Thomisticæ

Continens Tractatus de erroribus Pelagianorum, de Gratia, de
Iustificatione & Merito, de Virtutibus Theologicis, & quatuor Cardinalibus,
ac de ineffabili mysterio Incarnationis

Gonet, Jean-Baptiste

Parisiis, 1669

§. I. Duplici conclusione difficultas resolvitur,

[urn:nbn:de:hbz:466:1-77342](#)

DE NECESSITATE INCARNATIONIS. 423

ciendum pro peccato generis humani, ad quod ratione gravitatis infinita offensa in tali peccato contenta, nulla creatura est sufficiens.

ARTICULUS II.

An satisfactio Christi fuerit de se sufficiens, & superabundans, pro omnibus hominum peccatis?

§. I.

Duplici conclusione difficultas resolvitur.

Examinata articulo praecedenti insufficientia creaturæ ad satisfaciendum de condigno pro peccato suo & alieno mortali, ob infinitam gravitatem offensa, ex quo Incarnationis necessitatem ad prædictum finem intulimus; explicanda restat sufficientia, seu condignitas satisfactionis Christi, & investigandum, an illa fuerit sufficiens, condigna, & superabundans ex se, & ex proprio valore intrinseco: Scotus enim, & ejus Discipuli, licet fateantur Christi satisfactionem fuisse sufficientem, imo & superabundantem, pro omnium hominum peccatis, existimant tamen id non habuisse ex se, & ex natura sua, seu ex suo intrinseco valore, sed solum ex acceptance Dei, qui tali satisfactione fuit contentus. Oppositorum docent alij Theologi, tam domestici, quam extranei, cum quibus

Dico primò: Christi satisfactio, ex sua intrinseca dignitate & valore, & non ex sola acceptance, seu extrinseco favore Dei, fuit condigna & æquivalens pro omnibus peccatis generis humani.

Probatur primò ex Apostolo ad Roman. 5. *Non sicut delictum, ita & donum: si enim unius delicto multi morui sunt, multò magis gratia Dei & donum in gratia unius hominis Iesu Christi, in plures abundavit.* Quibus verbis & sequentibus videtur Paulus comparare satisfactionē cum peccato Adami, & assertere, quod sicut Adam peccatum vim habuit ad perendum totum genus humanum, multò magis satisfactionē Christi vim habuit ad illud restaurandum: Atqui peccatum Adam vim illam habuit sufficientem & condignam ex propria malitia, & non ex sola Dei acceptance & constitutione extrinseca, que tantum fuit condition sine qua non, quatenus Adam non nocuisset posteris suo peccato, nisi à Deo caput morale omnium constitutus fuisset: Ergo similiter satisfactionē Christi fuit ex proprio valore sufficiens ad redimendum genus humanum, quamvis de facto non redemisset, nisi in eum finem ejus satisfactionē acceptata fuisset à Deo, veluti capitū & mediatoris hominum.

Confiratur ex eodem Apostolo ad Hebreos 10. dicente: *Impossibile est sanguine taurorum & bircorum auferri peccata, ideo ingredens mundum dicit, hostiam & oblationem noluisti, corpus autem aptasti mihi.* Quo in loco collationem facit Apostolus inter sacrificia veteris legis, & sacrificium crucis, seu Christi, & assertilla non fuisse sufficientia ad delenda peccata, sicut sacrificium crucis: At si tantum ex Dei acceptance Christi sacrificium habuerit valorem, ad condigne hominum peccata delenda, nulla esset vis hujus argumenti, cum æquè potuisset Deus acceptare illa sacrificia, sicut sacrificium Christi: Ergo &c. Unde Cyprianus serm. de ratione circumcisōnis: *Tanta dignitas (inquit) Redemptoris nostri illa una fuit oblatio, ut una ad tollendum*

A mundi peccata sufficeret. Et Clemens VI. in ext. travag. *Vnigenitus de pœnitent. & remiss. affirmat unicam sanguinis Christi guttam, esse sufficientem satisfactionem pro omnibus peccatis humani generis, propter unionem humanitatis cum Verbo. Quibus locis, notandas sunt illæ particulae, Tanta dignitas, & illæ, propter unionem humanitatis cum Verbo, illis enim aper- tè declaratur, æqualitatem & sufficientiam satisfactionis Christi, sumi non ex acceptance Dei extrinseca, sed ex dignitate & valore intrinseco, quem habuerunt ejus actiones & passiones, ex unione humanitatis ejus ad Verbum.*

Probatur secundò conclusio: Juxta Scripturam & SS. Patres, necessarium fuit Verbum Divinum incarnati, ut Christus offerret Deo pro peccatis hominum satisfactionem æqualem & condignam, quæ à puro homine exhiberi non poterat, ut articulo precedenti ostendimus: At si Christi satisfactio sit solum condigna & sufficiens ex gratuita Dei acceptance, non verò ex proprio & intrinseco valore, Incarnatio Verbi Divini non fuisset necessaria ad exhibendam Deo perfectam & condignam satisfactionem: quemadmodum enim Deus gratis acceptavit satisfactionem Christi, quamvis (ut docent Scotus & ejus Discipuli) sua natura, & ex proprio & intrinseco valore insufficientem; ita pariter potuisset satisfactionem puri hominis acceptare, quamvis ab intrinseco condigna & æqualis non esset, unde tam benè purus homo potuisset Deo satisfacere ad æqualitatem pro toto genere humano, nec exigeretur unus mediator Dei & hominum Christus Jesus, si satisfactio illius non fuisse condigna & sufficiens ex proprio & intrinseco valore, sed ex divina tantum acceptance & benignitate.

Tertiò suaderet conclusio ratione fundamentali. Illa satisfactionē est ab intrinseco condigna, cuius valor in morali estimatione adæquat gravitatem injuria: At valor satisfactionis Christi, ex se & ab intrinseco adæquat gravitatem offensæ Deo irrogat: Ergo de se & ab intrinseco sufficiens & condigna est. Major pater, Minor probatur. Gravitas offensæ pensatur ex eo quod contra Deum est: Sed satisfactionē Christi, satisfactionē Dei est: Ergo ad minus adæquat gravitatem offensæ.

Confirmatur & magis illustratur hæc ratio: Non minus est potens dignitas personæ satisfactionis, ad influendum valorem moralem in actu satisfactionis, quam dignitas personæ offensæ ad influendam gravitatem & malitiam moralem in offensam ipsi irrogat: Ergo cum satisfactionē Christi, sit satisfactionē personæ divinae, illius valori ad minus adæquat, ratione sui & ab intrinseco, gravitatem offensæ divine.

Dico secundò: Satisfactionē Christi non solum ex se & ex natura sua ac intrinseco valore, fuit sufficiens pro peccato humani generis, sed etiam superabundans & excedens. Ita docent communiter SS. Patres: Augustinus enim serm. 114. de tempore, qui in appendicem rejectus est, hæc scribit: *Indubitanter credamus quod totum mundum redemit, qui plus dedit quam totus mundus valeret. Meritum enim redempta mercedeis, dignitas insignis preiis supergressa est. Inter redemptum & redimentem dispensatio fuit, compensatio non fuit.* Leo Papaserm. 12. de passione Domini, effuso sanguine Christi, *Validius (ait) factum fuisse dominum libertatis, quam debitum serviuimus.* Et serm. 1. de Ascensione, *Ampliora nos adeptos per inefabilem Christi gratiam, quam per diabolus amiserimus invidiam.* Demum Petrus Cluniacensis co-

293

302

312

322

libello, qui *Nucleus* inscribitur, dicit, *Pro aeterno supplicio hominis, tempore oblatum esse supplicium Dei & hominis: pro aeterna morte hominis, tempore mortem Dei & hominis, qui tanti pondaris in ipsa iustitia lance esse cognoscitur, ut ad justè ordinanda mundi peccata, longè magis preponderet mors transitoria Filii Dei, quam eterna filiorum hominum. Plus planè redditum est iustitiae, quando Christus mortuus est, quam recompensatum quando homo damnatus est. Habet ergo iustitia quidquid suum est, quia Dei Eius pro peccatis hominum mortuus est.*

In hac etiā conclusione cōveniunt omnes Theologi pro praecedenti citati, sed in reddenda ratione à priori illius, inter se dissident: juxta varia illorum principia. Illi enim qui docent satisfactionem Christi fuisse valoris simpliciter infiniti, offendam verò gravitatis infinita solū secundūm quid, facile rationem ejus assignant; etenim valor infinitus simpliciter, excedit gravitatem infinitam solū secundūm quid. Sed nos, cū probabilius existimemus oppositum, & exp̄ressē docuerimus in Tractatu de peccatis, peccatum mortale in ratione offendit continere gravitatem & malitiam moralem simpliciter infinitam, hac ratione uti non possumus. Illi etiam qui existimant rem ordinis superioris, esto finita sit, adæquari nunquam posse ab existentibus in ordine inferiori, & Christi satisfactionem in ordine superiori ad offendit gravitatem constituant, promptam & facilem habent hujus conclusionis probationem; sed dupli difficultate premuntur, prima est in reddendo rationem quare satisfactionem Christi ordinis superioris sit ad offendit Deo interrogatam: secunda consistit in eo quod, esto res superioris ordinis physicè adæquari nequeat ab existente in ordine inferiori, videtur tamen quod in valore morali ab eo adæquari possit, ut articulo praeudenti variis exemplis declaravimus. His ergo rationibus prætermisſis.

Probatur nostra conclusio hac ratione quam as-signat Episcopus Oxomensis hic disp. 4. §. 5. Valor satisfactionis Christi major est ab intrinseco & ratione sui, quam gravitas offensis mortalitatis: Ergo ratione sui & ex valore intrinseco est superabundans, & non solū ex divina acceptatione. Consequentia pareret, Antecedens probatur. Gravitas offensis mortalitatis fundatur in unione affectiva & morali quam haber offensa cum divina maiestate quæ offendit, ut loco citato Tractatus de peccatis declaravimus: Valor autem satisfactionis Christi fundatur in unione physica mediata personæ Verbi cum operationibus ab humanitate eliciti; cum enim persona Verbi Divini physicè im-mediately unitur cū humanitate assumpta, quæ est principium quo & formale operationum creatarum Christi Domini, physicè mediately unitur cum talibus operationibus: Sed valor in unione physica & reali fundatus, major est in morali estimatione, gravitate fundatā solū in unione moralis dūtaxat & affectiva: Ergo valor satisfactionis Christi major est ab intrinseco & ratione sui, quam gravitas offensis mortalitatis. Unde Psalmo 129. redemptio Christi copiosa dicitur, & Apostolus ad Roman. 5. satisfactionem Christi supra peccatum Adæ mirum in modum amplificat, dicens: *Non enim sicut delictum, ita & donum, si enim unus delicto mortui sunt multi, multò magis gratia Dei & donum in gratia unius hominis Iesu Christi in plures abundavit. Quibus verbis aperit declarat, majus fuisse donum, quam peccatum, & longè magis nobis profuissile Christum, meritis & satis-*

*factionibus suis, quam peccatum Adæ suā malitia & gravitate nocuerit, & rationem reddit, quia ubi abundavit delictum, ibi superabundavit gratia. Quod explicans Chrysostomus homil. 10. ad Roman. comparat peccata nostra debito decem obolorum, & satisfactionem Christi solutioni infinitorum talentorum, additique peccata nostra paucis aquæ guttis assimilari, satisfactionem verò Christi, infinito & immenso pelago. Verba ejus haec sunt: *Si quis propter debitum decem numerorum in carcere conficiatur, veniat autem alius, qui non solum solvat illos numeros, sed etiam innumerā auri talenta largiatur, vinctumque in regalem aulam inducat; ita & nobiscum factum est. Multò enim plura quam debebamus, Christus pro nobis solvit; tantòque plura, quam guttula exiguam, pelagus excedit immensum. Quare in Concilio Triburensi cap. 19. dicitur, in calice plus vini quam aquæ apponendum esse, ut significetur valorem sanguinis Christi, per vinum significati, esse multò majorem, quam sint offensas totius populi, quæ per aquam designantur, juxta illud Apocalypsis, *Aqua multa, populi multi.***

*Id S. Iob cap. 6. significavit, cū dixit: *Vinam appendenter peccata mea, quibus iram merui, & calamitas quam patior in statera: quasi arena maris haec gravior appareret. Licet enim haec verba significant ad litteram, calamitatis quibus premebatur Job, multò majores fuisse, quam ejus peccata, ac per consequens, non propter delicta quæ committerat (ut ejus adversarij existimabant) patiebatur, sed propter alias causas, ut videlicet patientia ejus ostenderetur, & augeretur corona; mysticè tamen adaptantur Christo Domino, qui non propter delicta propria, sed pro peccatis populi sui, tanquam agnus innocens occisus est; & significant pœnam quam pro peccatis generis humani sustinuit, in statera crucis appensam cum peccatis pro quibus patiebatur, multò majorem fuisse in ratione satisfactionis, quam promeruerunt ejus peccata, id est peccata generis humani, qua sua dixit, quia erant sui corporis mystici. Sic interpretatur locum istum D. Gregorius lib. 7. Moral. cap. 2. ubi haec scribit: *Quis alijs statera nomine, nisi Dei & hominum mediator exprimitur? Qui ad pensandum vita nostra meritum venit, ac secum iustitiam & misericordiam detulit, sed misericordia lance preponderans, culpas nostras pariendo levigavit. In manu enim Patris, quasi in statera miri libraminis factus, hinc in se calamitatem nostram, & illinc peccata suspendit. Sed gravis ponderis calamitatem moriendo offendens, apud misericordiam suam ~~esse~~ esse peccatum relaxando offendit. Idem docet Divus Bernardus homil. de duabus disciplinis in Emaüs, his verbis: *Crus facta est statera corporis Christi, quod est Ecclesia: cum enim ipse Crucifigeretur appensa sunt cum ipso peccata quæ commisimus, calamitas quam incurrimus: ipse erat innocens, impollutus, segregatus a peccatoribus & excelsior calix conversatio ejus; non enim peccatum fecit, nec inventus est dolus in ore ejus. Et quoniam talis, ac tantus, tam indigna dignatus est in Crucem pati; preponderare cepit calamitas, & criminis levigare, cum adhuc tamen in Cruce erectus staret, vacillare videbatur statera, nec plenè cognosceretur quod cadere deberet, cum inclinato capite emisit spiritum, & calamitas preponderando caderet. & quasi arena maris gravior appareret, Göttes quasi mons in statera reputata sunt: nam in statera ceciderunt, quia partes aduersa damnationis nostra chirographi amiserunt. Quibus colonat illud crucis elegiū.****

Beata

DE NECESSITATE INCARNATIONIS. 425

*Beata cuius brachis
Secli peperit pretium,
Statuta facta corporis,
Pradamque tulit Tartari.*

S. II.

Solvuntur objectiones.

¶ Objecies primò contra primam conclusio-
nem: Si Christus de condigno & ad æquali-
tatem pro peccatis nostris satisfecisset, nullam
aliam pro ipsis Deus posset à nobis exigere satis-
factionem; cùm reddità satisfactione æquale pro
offensa, iustum sit aliam exigere, ut si quis sol-
vat pro me centum Petro cui centum debebam,
iustè à me aliud exigeretur. Consequens est fal-
sum, inò & hæreticum, si sermo sit de pena tem-
porali nobis propter peccatum debita, ut patet ex
Tridentino scil. 6. cap. 14. Ergo &c.

Respondeo, negando sequelam Majoris, licet
enim Christus pro peccatis nostris de condigno
& ad æqualitatem, inò & superabundanter satis-
fecerit, ut tamen ejus satisfactio suum fortia-
tur effectum, vult illam applicari nobis per sacra-
menta, aut per contritionem & dilectionem Dei
super omnia, vel per indulgentias, aut per opera
nostra penitentia. Cujus rationem egregiam affig-
nat D. Thomas in 4. quæst. 49. art. 1. ad 4. Nam
Christi passio (inquit) operata est remissionem
nostrorum peccatorum, tanquam causa univer-
salis: causa autem universalis non excludit con-
sortium causa particularis; quia licet ab ea non
accipiat virtutem, per illam tamen ejus virtus des-
cendit in effectum, ut patet in cœlo, & Sole, alii-
que causis universalibus.

Objecies secundò: Valor satisfactorius opera-
tionum Christi, non adæquat gravitatem offend-
se mortalis: Ergo ejus satisfactio non est condigna
ab intrinseco, sed solum extrinsecè ex divina
acceptatione. Consequentia patet ex supra dictis,
Antecedens autem probatur primò. Offensa ir-
rogata Deo ut Deus est: At Christus, non ut
Deus, sed ut homo, satisfacit: Ergo valor satis-
factorius non adæquat gravitatem offendse.

Secundò, Christi satisfactio non tantum placet
Deo, quantum displicet ipsi peccatum: Ergo ejus
valor & bonitas non adæquat gravitatem offendse
mortalis. Consequentia patet, Antecedens probatur.
Peccatum non minus displicet Deo, quam
ipsi placet propria bonitas; peccatum enim de se
destructivum est divinæ bonitatis: quantum au-
tem amatur aliqua res, tantum odio habetur &
displicet destructivum illius: At Christi satisfactio
non ita placet Deo, quantum ei placet propria
bonitas, ut patet: Ergo non ita placet Deo, quan-
tum ipso displicet peccatum.

Tertio, Si per impossibile unus Deus offend-
ret alium Deum, valor satisfactorius opera-
tionum Christi, ad summum adæquare gravita-
tem offendse Deo irrogata ab alio Deo: Sed gra-
vitas offendse irrogata Deo à creatura, major est
gravitate injuria Deo irrogata ab alio Deo,
crescit enim gravitas offendse ex vilitate perso-
na offendens, & illius distantia ab offend-
ente: Ergo valor satisfactorius operationum Christi,
non adæquat gravitatem offendse, à creatura Deo
irrogata.

Quarto, Gravitas offendse Deo irrogata à crea-
tura, est infinita ex duplice capite, nempe ex par-
te personæ cui sit, & ex vilitate personæ offen-
dente.

Tom. IV.

A dentis, quæ in infinitum distat à Deo: At satisfa-
ctio Christi solum est infinita ex parte personæ
satisfacientis, non verò ex parte illius cui satis-
factio exhibetur, cùm potius ex dignitate perso-
na cui sit satisfactio deprimatur quam crescat sa-
tisfactionis valor: Ergo gravitas offendse morta-
lis, major est valore satisfactorio operationum
Christi.

Respondeo, negando Antecedens, ad cuius pri-
mam probationem dicendum, quod Christus non
satisfecit ut homo tantum, nec ut Deus tantum,
sed ut Deus homo, humanitate elicente substanci-
am actionis, & personalitate Verbi valorem sa-
tisfactoriorum in eam influente; unde cùm persona
Verbi sit dignitatis infinita, valorem infinitum
in ejus operationes meritarias & satisfactorias
influit. Sed de hoc plura infra.

B Ad secundam, nego Antecedens, ad probatio-
nem ipsum, nego Majorem: licet enim pecca-
tum sit destructivum divinæ Majestatis, hoc ta-
men est solum moraliter, & secundum pruden-
tiam estimationem, non verò realiter & physi-
cè, quod esset necesse, ut tantum odio habe-
retur, quantum diligit ipsa bonitas Dei, quæ
est infinita non solum moraliter, & secundum
prudentiam estimationem, sed etiam physicè &
realiter.

C Ad tertiam, datà Majori, distinguo Minorem:
Gravitas offendse Deo irrogata à creatura, major
est gravitate injuria Deo irrogata ab alio Deo,
extensivè translat: intensivè, nego. Cùm enim
offensa irrogata Deo ab altero Deo, in casu con-
ficti, ratione personæ offendse, esset infinita in
ratione injuria, eminenter, seu æquivalenter,
contineret omnem gravitatem possibilem, subin-
deque licet offendse irrogata Deo à creatura, ex
distantia offendens ab offenso, aliquam maj-
orem gravitatem recipiat; illa tamen majoritas
non potest esse intensiva, sed solum extensiva: si-
cūt quia Deus eminentissimo & perfectissimo
modo, omnes perfectiones creaturarum conti-
nerit, Deus simul cum creaturis non faciunt aliquid
majus intensivè, sed solum extensivè, ut quidam
existimant. Ex quo patet soluta ultima proba-
tionis, licet enim daremus offendse irrogatam
Deo à creatura esse infinitam, etiam ratione di-
stantiæ creatura à Creatore; hæc tamen infinitas
contineretur in gravitate sumpta ex majestate of-
fensa, ac proinde valor istam adæquans, adæqua-
ret ex consequenti omnem aliam gravitatem.

D Objectiones tertio: Christus ut homo non satis-
fecit perfectè Deo pro beneficiis in humanitate
susceptis: Ergo nec pro peccatis alienis. Con-
sequentia videtur legitima. Antecedens probatur.
Hoc inter compensationē ex iustitia, & compen-
sationem ex gratitudine reperitur discri-
min, quod ut prima sic perfecta, sufficit reddere æqua-
le; ad perfectionem autem secundæ, requiritur
quod plus reddatur quam acceptum sit, ut do-
cerit D. Thomas 2. 2. quæst. 106. art. 6. & ratio-
nem reddit, quia compensatio gratitudinis respi-
cit beneficium secundum voluntatē dantis, in quo
hoc præcipue commendatur, quod gratis bene-
ficium intendit ad quod non tenebatur; unde quā
beneficium acceptit, obligatur ex debito honestatis,
ut aliquid gratis intendat; cùm autem
non excedit quantitatem beneficij accepti, ni-
hil gratis videtur intendere, idèque ut perfe-
cta sit compensatio ex gratitudine, debet red-
dere non solum æquivalens, sed aliquid am-

374

38.

Hhh